

CHIUCHE-ZYT

August-September

Reformierte Kirchgemeinde Trachselwald



„Luter oder lysliger?“

Passiert es Euch mängisch ou, dass Dir vor luter Böim der Waud nümme gseht? Mir geit das mängisch eso. Und de weiss i vor luter Herrje bau nümme, wien ig mi sou verhaute. Umso luter brüelen ig de aube das Psalmwort vor mi häre: „*I wott der Herr lobe so lut win i cha, i wott ihm danke mit vilne Lüt.*“ Wenn jetz aber öpper religiösi Überzügige verbreitet, isch es nid unbedingt es Güetesigel, wenn das i grosser Lutsterchi passiert. Es chunnt weniger drufa, ob mir e Gloubenssatz luter brüele als öpper anders, sondern, dass e luteri Gsinnig derhingersteckt.

D Frag stellt sich also dert weniger „luter oder lysliger?“ sondern „luter oder trüeb, diffus?“.

D Wort luter cha also drei verschieden Bedütige ha. Ig ha gärn eso Wortspielereie. Mir gfaut die dritti Bedütig am beschte. Eso klar wie ne Bärgbach oder so untrüebt wie ne Föntag i de Bäрге, eso möchte ig mi Gloube erläbe und angerne wytergä ohni grossi Wort, eifach mit der Gsinnig im Härz wie si i däm Wort us der Bärgpredig zum Usdruck chunnt:

„*Glücklech für geng si die, wo ne luteri Gsinnig hei. Si gseh einisch Gott.*“

(Mt 5,8)

Grad luter isch ja d Sicht uf der Seniorereis nid gsi. Im Bricht und i de Bilder zu däm Alass chunnt dünt's mi aber zum Usdruck, dass äbe glych e luteri Gsinnig gherrschet het.

Viel Vergnüege by der Lektüre und müglescht vieli schöni und luteri Sommertage!

Peter Schwab, Pfr.



GOTTESDIENSTE

AUGUST 2016

Sonntag, 7. August	9.30 Uhr	Chramershus Gottesdienst Pfr. P. Schwab Kollekte: Mission am Nil Sunntigskafi
Samstag, 27. August	10.00 Uhr	Chramershus Fyre mit de Chlyne
Sonntag, 28. August	9.30 Uhr	Kirche Gottesdienst zum Bibelsonntag Pfr. P. Schwab Wir begrüßen unsere Vikarin Nina Sonderegger. Sammelkollekte der Ref. Kirchen BE-JU-SO Bibelsonntag „Sunntigskafi“

SEPTEMBER 2016

Sonntag, 4. September	9.30 Uhr	Chramershus Gottesdienst Pfr. P. Schwab Kollekte: Pro Juventute Sunntigskafi
Sonntag, 11. September	10.30 Uhr	Gottesdienst unterwegs anlässlich der Simon Gfeller Gedenkwanderung Alhorngruppe Ahorn, Pfr. P. Schwab
Sonntag, 18. September Bettag	9.30 Uhr	Kirche Abendmahlsgottesdienst , Pfr. P. Schwab, Musikgesellschaft Grünenmatt-Waldhaus Sammelkollekte der Ref. Kirchen BE-JU-SO

PFARRAMT

Ferien vom 24. September bis 16. Oktober.

Bereitschaftsdienst durch Pfr. B. Kaufmann, Zofingen, Tel. 079 350 65 46.

UNSERE VIKARIN



Liebe Reformierte Kirchgemeinde Trachselwald

Mein Name ist Nina Sonderegger. Vom 1. August 2016 bis 30. September 2017 darf ich unter der Betreuung von Pfarrer Peter Schwab das Lernvikariat in Eurer Gemeinde absolvieren. Im Thurgau und Appenzell Ausserrhoden aufgewachsen, lebe ich seit sieben Jahren in der Stadt Bern. Ich bin 26 Jahre alt, reise für mein Leben gerne und bin häufig draussen in der Natur. An der Universität Bern habe ich Geschichte und Theologie studiert. Nun freue ich mich sehr auf die Zeit als Vikarin und das Erlernen des Pfarrberufes. Es ist für mich sehr wertvoll dies in Eurer Kirchgemeinde tun zu dürfen, weil auf dem Land der/die PfarrerIn mit den Menschen lebt und sie in ihrem Alltag begleitet. Deshalb werde ich für diesen Zeitraum auch in Heimisbach wohnen. Ebenfalls werde ich in diesem Zeitraum Kurse an der Uni Bern besuchen. Die Kontaktwoche ist deshalb erst auf Mitte August 2016 angesetzt. Die offizielle Begrüssung findet im Gottesdienst vom 28. August

in der Kirche Trachselwald statt.

Ich freue mich darauf Euch kennenlernen zu dürfen und auf die kommende Zeit mit Euch!

GOTTESDIENST UNTERWEGS

Anlässlich der Simon Gfeller Gedenkwanderung geniessen wir für unseren Gottesdienst ein weiteres Mal Gastrecht beim Samariterverein und zwar am

Sonntag, 11. September, 10.30 Uhr beim Hauptposten auf dem Schöenthül (Fam. Held).

Thema: „Obedüre oder ungedüre?“ (Psalm 18,30) Es wirken mit: Alhorngruppe Ahorn und Pfr. Peter Schwab. Auch Nichtwanderer sind herzlich eingeladen und können nach der Feier von der reichhaltigen Festwirtschaft profitieren.



SENIOREN

Seniorenferien 2017

Für die Senioren-Ferienwoche vom 19. bis 25. August 2017 haben wir eine neue Destination gewählt. Wir reisen in den Schwarzwald, ins Fitalhotel nach Höchenschwand. Gerne informieren wir Euch an einem Infoabend im Oktober über das neue Angebot.

Seniorenturnen

Jeweils montags, 22. August und 26. September, 16.00 Uhr in der Turnhalle der MZA.

Andachten im Seniorenheim Häntsche Jeweils Freitag, 10.00 Uhr

Mittagstisch

Dienstag, 16. August, 12.00 Uhr
Gasthof Bären, Manöverstube!

Mittwoch, 21. September, 12.00 Uhr
Gasthof Chrummyholzbad

ELKI-TREFF

Die Treffen finden in der Regel am ersten Dienstag des Monats statt.

2. August und 6. September, 9.30 – 11.00 Uhr in den Unterrichtsräumen der MZA Chramershus
Verantwortlich für das ELKI-Team Marlene Born, Chramershus, Tel. 034 422 17 33

OFFENER GESPRÄCHSKREIS

Donnerstag, 18. August und 15. September, jeweils 20.15 bis 21.30 Uhr im Pfarrzimmer der MZA.

KIRCHLICHE GEMEINDECHRONIK

Taufen

5. Juni Amelia Noemi Born, Chramershus 59
19. Juni Selina Lynn Beer, Chramershus 65

Bestattungen

20. Mai Gertrud Leuenberger-Annaheim,
Jg. 1928, Alterszentrum Sumiswald
Vormals Chlösterli
24. Mai Magdalena Erhard-Kramer, Jg. 1949
Mittlerbach

*„Barmhärzig und gnädig isch der Herr,
geduldig und rych i syr Güeti.“ Ps 103,8*



Seniorereis 2016, 31. Mai Schlieretal Schwändi Kaltbad

Scho e Wuche vor em Reisedatum hei d Seniore vo Heimisbach ds Wätter beobachtet u ghoffet, am Zyschti wärd es de wohl Reisedatum gä, aber es isch äbe du grad nid eso gsi. Wo mer i Summer-Car ygstige si, het's haut eifach gränet. Aber d Schtimmig isch glych heiter blibe u mi het doch chönne erwaarte, dass es de nid grad der ganz Tag eso syg.

Wo du äntlige alls isch zueche gsi u i Car ygstige, hei mer chönne losfahre. Mir si vo der Froupresidänti härzlich begrüesst worde u ou der Schofför, der Schneider Ruedi het üs allne e schöne Tag gwünscht. D's Huttu heimer afe churz e Blick uf di grossi Boustell chönne mache u du isch es wyter gägem Luzärner zue. Ds Willisou het eim scho öpper mit de Willisouer-Ringli gluschtig gmacht. Aber mir hei jo wyter wölle u scho ds Mänznou heimer by der Spanplattefabrigg di grosse Houzvorrät, wo jo viel vo üsem Holz vom Heimisbach derby isch, bestuunet. Mir si wyter gäge Wolhuse Wärtestei richtig Luzärn. Der Räge het du afe ufghört u der Himu isch gäng heiterer worde.

Will der Ruedi gwusst het, dass es i der Stadt Boustelle het, isch är über d' Rängg gäge Kriens gfare und dert simer no grad einisch am Vierwaldstätter See aglangt. D Sunne het du dert e chli dür d Wolche düre züntet, es isch e wunderschöne Ablick gsi ubere See ewägg. Der Bürgestock het me mit de viele Boukrän, u hinger dra der 160 Meter höch Hammetschwanglift gseh.

Mir si wyter em See no, ds Hergiswil düre, d Achereggbrügg links lo si em Alpnachersee no über Alpnach, wo der Pilatusbahnhof isch u gäge Sarne zue. Dert hei mer du abgha gägem Gloubebärg. Bym Uechefahre het me e schöne Blick is Obwaldnerland gha, is Mälchtal iche u vordrann d Kapälle Flühli Ranft, u meh rächts, über e Arnersee richtig Brüinig bis ueche zum Lungereese.

Die höhere Bärge hei sich im Näbu versteckt u mir hei alli ghoffet, mir chömi de nid ou no grad i Näbu ueche. Bi der Wirtschaft „Langis“ het Ruedi dür di schmalu Stross gäge üsem Reiseziel Schwändi Kaltbad abgha. Dert hei du afe alli d Bei echli chönne strecke, mi het churz d Landschaft, wo eim fasch echli a d Freibärge gmahnet het agluegt u mi isch churzum i d Wirtschaft iche u het sech dert grüppeliwys gsädlet. Mir si vo de Wirtslüt fründlech begrüesst worde u druf hei si üs es ganz guets Mittagässe brunge. Fleischvögu mit Stock u re Gmües-garnitur. Es isch wunderbar gsi. Es isch scho schön, we d Froue einisch nid sälber müesse choche. Was doderbi alls isch brichtet worde, das gäbti wahrschinlich veiechli es dicks Buech.

Es isch do albe es grosses Kurhotel gstange, aber es sig äbe 1970 total achebrönnt u isch halt nümme uf boue worde. Imene chline Näbebou vom Hotel hei du d Wirtslüt wider agfange Gescht z bediene u hei speter ds hütige Resturant boue. Im Gang unger der Stäge hei si no e Mangi vom alte Hotel ufgschteilt, sod'säge als Zytzüge. Es isch es beliebt's Wandergebiet u im Winter wird e längi Langloulfoipe präpariert. Mi gseht scho, dass a schöne Tage dert hinger öppis louft. Si hei viel Platz für d Gescht ds bediene.

I der Kapälle grad über d Stross het üs der Pfarrer Peter Schwab zure churze Andacht iglade. Für die, wo nid grad guet z Fuess si, isches guet, dass di Kapälle nid witer dänne steit. D Lieder, wo mer gsunge hei, hei i däm Ruum wunderbar klunge. Peter het si Predig guet der Landschaft vom obere Schlieretal apasst, het vo liesli u vo luut gredt, derby het är luut no verbessert uf luter, das heisst klar. U die Gägend isch nid nume liesli, si isch äbe rächt still u ds Wasser vo der Schliere isch do obe ganz klar.

Drufabe isch me wider i d Wirtschaft go es feins Dessär gniesse u no disersch u äis chönne brichte. Mir hei gnue Zit gha derfür. Aber wi nes so isch, geit haut d Zit gleitig verbi. Mir hei dä schön Ort ume müesse verloh u gäge heizue fahre. Ubere Gloubebärgpass, 1540müM, Finsterwald, Äntlibuech simer gägem Ämmetal zue u si glücklech u zfride i Heimisbach zrug cho. Jo, die Froue vom Froueverein hei für üs e schöne Tag organisiert, hei üs ungerwägs mit Schöggeli, düüre Schnitz u mit dünnem versorget. Danke vielmal! D Barbara wo für all Fäll parat isch gsi het nid gross Arbeit übercho u das isch ou rächt eso. Ou ihre es schön's Merci. Em Ruedi e grosse Dank für di sicheri Fahrt u di inträssante Informatione wo är ungerwägs het düregäh. Natürlech danke mir ou em Pfarrer Peter Schwab für di wärtvollu Begleitig.

Bericht: Ueli Wüthrich

Bilder: Therese Hüsler und Peter Schwab



Adressen:

Pfarramt, Redaktion

Kirchgemeinderats-Präsidentin

Besucherdienst

Sigristen Trachselwald

Sigristin Predigtsaal/Beerdigungen

Homepage:

Pfr. Peter Schwab

Käthi Gfeller

Susanna Moser

Therese Jaggi

Gottfried Jaggi

Sabine Sahli

Tel. 034 431 11 52

Tel. 034 431 26 47

Tel. 034 431 16 78

Tel. 062 962 09 06

Tel. 034 431 42 37

Tel. 034 431 21 77

www.kirchetrachselwald.ch